




Akcija FUP-a: Dvojac uhapšen nakon primopredaje označenog novca

18.04.2023. / 10:33

56 [f](#) [t](#) [v](#) [y](#)

Pripadnici Federalne uprave policije uhapsili su dva muškarca inicijala D. Ć. (rođen 1981) i S. L. (rođen 1980) iz Mostara zbog sumnje da su izvršili krivična djela lihvarstva i iznude.


Kako je saopćeno iz FUP-a, operativno-taktička akcija naziva "Game" izvršena je jučer pod nadzorom Kantonalnog tužilaštva Hercegovačko-neretvanskog kantona.

Dvojac je uhapšen nakon primopredaje označenog novca. Hapšenje je izvršeno po naredbi Općinskog suda u Mostaru.

Izvršen je pretres pokretne i nepokretne imovine u Mostaru koju koriste ova dva muškarca. Tokom pretresa je pronađena veća količina novca, automatska puška, dva pištolja, određena količina municije, dokumentacija, kao i drugi dokazi koji se mogu dovesti u vezi sa izvršenjem ovih krivičnih djela.

- Navedena lice se sumnjiče da su oštećenoj osobi dali zajam uz ugovaranje nesrazmjerne imovinske koristi, tako što su tokom četverogodišnjeg perioda, koristeći silu i prijetnju, od oštećene osobe zahtjevali da im predaje određene novčane iznose - navedeno je u saopćenju FUP-a.

Dodali su da će uhapšeni nakon kriminalističke obrade u službenim prostorijama Federalne uprave policije u zakonskom roku biti predati u nadležnost Kantonalnom tužilaštvu Hercegovačko-neretvanskog kantona uz Izvještaj o počinjenom krivičnom djelu.



IZDVOJENO

NA ŠTA UPOZORAVAJU
Bećirović, Komšić i predsjednici stranaka potpisali zajedničku izjavu o državnoj imovini: Krajnje je vrijeme...

SAZNAJEMO
Evo za koliko bi se prema "švicarskoj formuli" trebale povećati boračke naknade

FORMIRANJE VLASTI
Izetbegović: Lendi su namijenili ulogu poslušnika, Bradara mu neće naređivati

ZA 102.000 KORISNIKA
Vlada FBiH isplatit će 100 KM jednokratne pomoći boračkim kategorijama